

# SVEUČILIŠTE/UNIVERZITET VITEZ

Rektor, prof. dr. Nikola Grabovac

Travnik, 27. 05. 2010. godine

## INSTRUKCIJA ZA PISANJE NOVIH KNJIGA - UDŽBENIKA

Poštovani profesore,

Prema Okvirnom zakonu o visokom obrazovanju za izbor u više akademsko zvanje potrebno je pored objavljivanja naučnih radova u priznatim publikacijama da objavite nove knjige.

Za izbor u zvanje vanrednog profesora treba se objaviti jedna knjiga, a za redovnog profesora još dvije knjige nakon izbora za vanrednog profesora.

U slučaju da knjigu pišete kao udžbenik koji ćemo koristiti na našem Sveučilištu/Univerzitetu potrebno je da imate slijedeće elemente u vidu:

1. Naziv knjige treba biti usklađen sa nazivom predmeta prema našem Nastavnom programu.
2. Obim udžbenika za studij po Bolonji za prvi ciklus studiranja iznosi do 250 stranica i maksimalno do 300 stranica.
3. Knjiga kao udžbenik treba sadržavati samo gradivo koje je predviđeno našim silabusom za određeni predmet. Upozoravam Vas da ne treba širiti sadržaj jer će neki drugi predmet to tretirati kao problematiku.

*Primjer:* Ako pišete knjigu o marketingu ona može imati naslov Osnove marketinga, Uvod u marketing, Načela marketinga ili Principi marketinga u kojoj ćete pisati o marketingu za početnike. Međutim, drugi dio marketinga koji će se izučavati na drugom ciklusu studija po Bolonji – magistarski studij nije ograničen po obimu i sadržaju, kao primjer naslova može se koristiti: Upravljenje marketingom, Marketing menadžment ili Strateški marketing. Na istom principu mogu se pisati sve knjige pri čemu se dijele na udžbenike za prvi ciklus ( I - III godina) i udžbenike za drugi ciklus – magistarski studij.

4. Sa aspekta sadržaja udžbenika, ne treba širiti sadržaj van predviđenog sadržaja po silabusu predmeta.

*Primjer:* Ako pišete knjigu o osnovama poduzetništva ne treba pisati o menadžmentu, marketingu, organizaciji i sl jer će to biti tretirano u posebnim knjigama. Jasno je da obim udžbenika omogućuje pisanje samo o užem sadržaju i bez izleta u druga područja. Trebate imati u vidu da je ovo univerzitetski udžbenik koji je usklađen i sinkroniziran sa drugim udžbenicima i koji je namjenjen studentima. Napominjem da udžbenik nije klasična knjiga koja nije namjenjena studentima i koja može imati širi pristup.

Poštovani profesore,

Želim naglasiti da dosadašnje knjige koje su namjenjene četverogodišnjem studiju moraju doživjeti velike promjene. Obim gradiva i materije u udžbeniku mora se prilagoditi jednosemestralnom predmetu i ciljevima i kompetencijama koje se planiraju za prvi ciklus studija. Složeniji materijal mora se podijeliti na dva udžbenika ( za prvi ciklus i za drugi ciklus studija ) a u skladu sa kompetencijama koje će imati završeni student prvog i drugog ciklusa studija.

Kao Univerzitet podržat ćemo štampanje i objavljivanje udžbenika u skladu sa navedenim principima. Knjige pisane na drugim principima, većeg obima ili šireg sadržaja nećemo moći podržati niti uvrstiti kao literaturu za učenje.

Također, napominjem da izdavanje udžbenika i njegovo uvrštavanje u literaturu za učenje i polaganje ispita je moguće samo uz saglasnost Senata Sveučilišta/Univerziteta koji će pri razmatranju uzeti u obzir ove sugestije. Svaki udžbenik mora imati recenziju od dva recenzenta koje na prijedlog autora odobrava Rektor.

Detaljnije informacije o nazivu predmeta, njihovom sadržaju, silabusom predmeta kao i obaveznoj literaturi možete naći na našoj web stranici pod „Pregled predmeta i Syllabusi“ za svaki fakultet. Udžbenici spadaju u kategoriju naučno-stručnih djela a detaljnije o tim pojmovima možete naći na našoj web stranici pod „Uputstva“ 1) Naučna, naučno-stručna i stručna djela 2) Uputstvo za pisanje Sveučilišnih/Univerzitetskih udžbenika, 3) Uputstvo za pisanje recenzija.

Izdavanje udžbenika vrši se u skladu sa našim Pravilnikom o izdavačkoj djelatnosti (Vidi na web stranici pod: Normativna akta).

S poštovanjem,

Rektor:  
Prof. dr Nikola Grabovac